

ԳԻՏԱԿԱՆ ՆՍՏԱՇՐՋԱՆ ՆՎԻՐՎԱԾ ԵՂԵՌՆԻ 50-ԱՄՅԱԿԻՆ

Նրիտասարդ թուրքերի կառավարության կողմից 1915 թ. կազմակերպված հայկական կոտորածներին էր նվիրված Հայկական ՍՍՌ գիտությունների ակադեմիայի և Նրևանի պետական համալսարանի ապրիլի 20-ի միացյալ գիտական նստաշրջանը:

Բացելով նստաշրջանը, Հայկական ՍՍՌ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանն իր ներածական խոսքում նշավակեց պանիսլամիզմի և պանթյուրքիզմի ցնորամիտ գաղափարներով զառանցող երիտասարդ թուրքերի կառավարող կլիկին, որը մարդկության պատմության մեջ կատարեց աննախընթաց մի ոճրագործություն՝ բնաջնջելով և իր հնամենի հայրենիքից վտարելով խաղաղ և ստեղծագործ մի ժողովուրդ:

Նախապես մշակված ծրագրով, — ասաց ակադեմիկոս Վիկտոր Համբարձումյանը, — սկզբում ոչնչացնելով դիմադրողունակ տղամարդ բնակչությանը, այնուհետև հայ մտավորականությանը, երթոթուրքերի կառավարությունը բնաջնջեց ավելի քան մեկ միլիոն հայ, նրանց մի շնչին մասին տարագրեց ղեպի Միջագետքի ավազուտները՝ ամայացնելով Արևմտյան Հայաստանը: Թուրքական կառավարությունը մտադրվել էր ոչնչացնել սաև մեր ժողովրդի արևելյան համավածը: Սակայն այդ մտադրությունը ձախողվեց շնորհիվ լեռնիկի և Մեծ հոկտեմբերի:

Մեկընդմիջտ կապելով իր բախտը սովետական իշխանության, հզորացող Ռուսաստանի և կոմունիզմի գաղափարների հետ, շնորհիվ Սովետական Միության բոլոր ժողովուրդների և առաջին հերթին ռուս ժողովրդի օգնության, մեր ստեղծարար ժողովուրդը հոգևոր ու նյութական խոշոր արժեքներ ստեղծեց և Սովետական Հայաստանը դարձրեց ծաղկուն հանրապետություն:

Այնուհետև նստաշրջանում կարդացվեցին մի շարք զեկուցումներ: «Հայ ժողովրդի զենցիղը Օսմանյան կայսրության մեջ և միջազգային իմպերիալիզմը» զեկուցումով հանդես եկավ իրավաբանական գիտությունների դոկտոր, պրոֆեսոր Ա. Նսայանը: Հենվելով վավերագրային փաստերի վրա, նա հիմնավորեց, որ 1915—16 թթ. հայկական կոտորածներն արդյունք էին պետական քաղաքականության աստիճանի բերձրացված երիտթուրք ազգայնամուտների կանխամտածված նաղկալի ծրագրի՝ դյուրացնելու համար պանիսլամական և պանթյուրքական իրենց մտադրությունները: Զեկուցողը միաժամանակ նշեց, որ հայկական եղեռնի մեջ մեծապես հանցավոր է միջազգային իմպերիալիզմի և առաջին հերթին վիլհելմյան Գերմանիայի եսամուլ քաղաքականությունը, որն իր շահերին անխնա կերպով զոհ բերեց հնագույն մշակույթի տեր մի ժողովրդի մեծագույն հատվածը:

Հիսուն տարի առաջ կատարված ողբերգությունը ծանր կորուստների պատճառեց հայկական մշակույթին: Զգտելով զրկել հայ ժողովրդին դիմադրություն կազմակերպելու ամեն մի նարավորությունից, երիտթուրքերի կառավարող եռյակը առաջին հերթին հաշվեհարդար տեսավ արևմտահայ մտավորականության հետ, ոչնչացնելով ավելի քան հազար գործիչների: Հայկական ՍՍՌ գիտությունների ակադեմիայի Բյոթակից-անդամ Մ. Մկրյանի ղեկուցումը սվիրված էր 1915 թ. զոհված հայ գրողներին՝ Գրիգոր Զոհրապին, Դանիել Վարուժանին, Սիամանթոյին, Ռուբեն Սևակին, Ռուբեն Զարգարյանին, Բլկատինցուն, Տիգրան Զյոթյուրյանին, Արտաշես Հաբուսյուրյանին և այլոց, որոնք իրենց ստեղծագործական գործունեության ծաղկման շրջանում զոհ գնացին երիտթուրքերի արյունոտ յաթաղանին:

Սակայն ամենուր չէր, որ երիտթուրք ոճրագործներին հաջողվեց դյուրությամբ հաշվահարողոր տեսնել հայ ժողովրդի հետ: Վանում, Շատախում, Շապին-Գարահիսարում, Ուրֆայում, Մուսուլում լեռան վրա հայերը ինքնապաշտպանության դուրս եկան և օրհասական գուպարի բրդե շերտերին թվապես և զինական ուժերով անհամեմատ զերակշռող թուրքական բանակների և կրոնական մոլոռանդությամբ կուրացած խաժամուժի դեմ, շատ ղեպքերում գիտենալով հանդերձ, որ շունն փրկության նշույլ իսկ: Արևմտյան Հայաստանի վերոհիշյալ հերոսամարտերի մասին զեկուցեց բանասիրական գիտությունների թեկնածու Գ. Ստեփանյանը:

Ջեկուցելով «եղեռնի պատմության նենգափոխումը թուրքական պատմագրության մեջ» թեմայի շուրջը, պատմական գիտությունների դոկտոր Ե. Սարգսյանը և պատմական գիտությունների թեկնածու Ռ. Սահակյանը ցույց տվեցին, թե ինչպիսի նենգ ճիգերի է դիմում թուրքական պատմագրությունը հայկական եղեռնի հարցում մեղավոր հանելու իրեն՝ հայ ժողովրդին։ Այդ նպատակով նրանք աղավաղում են պատմական իրականությունը, ժխտում, որ հայկական կոտորածները 1915 թ. կանխագծված էին թուրքական կառավարող շրջանների կողմից։

«Հոկտեմբերյան սոցիալիստական մեծ ռեվոլյուցիան և հայ ժողովրդի վերածնունդը» ձեկուցումով հանդես եկավ պատմական գիտությունների դոկտոր, պրոֆեսոր Գ. Գալոյանը։ Նա ցույց տվեց, թե ինչպիսի ծանր և եղբրական իրադրություն ստեղծվեց հայ ժողովրդի համար առաջին համաշխարհային իմպերիալիստական պատերազմի տարիներին, երբ մեր արևմտահայ հատվածի բնաջնջումից հետո ոչնչացման դամոկլյան սուրը կախված էր նաև հայ ժողովրդի արևելյան հատվածի վրա։ Եվ այն ժամանակ, երբ մեր ժողովուրդը գրեթե հասել էր անկման ու անհետացման խորախոր անդունդի եզրին, Վ. Ի. Լենինի նախաձեռնությամբ նա բարոյական, զինական և նյութական օժանդակությունն ստացավ Սովետական Ռուսաստանից, տնտեսական ու քաղաքական դաշինքի մեջ մտավ վերջինիս հետ, դառնալով սոցիալիստական նորոգ աշխարհի կառուցման առաջամարտիկներից մեկը։ Ջեկուցողը մի շարք վկայություններ բերեց արևմտյան հեղինակներից, որոնք ստիպված էին խոստովանելու, որ Արևմտյան տերությունները հայ ժողովրդին սոսկ աղետներ պատճառեցին։

Անցնելով դարերի բովով, հերոսական պայքար մղելով իր ազգային ու սոցիալական ազատագրման համար, հայ ժողովուրդը շատ զառնություններ տեսավ, անթիվ ու անհամար զոհեր տվեց, որոնց բոլորի հիշատակը մենք միշտ սրբությամբ կպահենք, իսկ Հոկտեմբերյան սոցիալիստական մեծ ռեվոլյուցիայի շնորհիվ վերածնված Սովետական Հայաստանը նրանց հիշատակը հավերժացնող մեծագույն կոթողն է։

Պատմական գիտությունների թեկնածու Կ. Ուղումյանը «Ժողովուրդների լենինյան բարեկամության անհաղթ ուժը» ձեկուցմամբ ցույց տվեց, որ Վ. Ի. Լենինի ձեռքով դարբնված և բազմաթիվ փորձություններից հաղթանակով գուրս եկած սովետական ժողովուրդների բարեկամությունը այն ուժն է, որն ապահովում է ռեսպուբլիկայի հսկայաքայլ առաջընթացը դեպի հանուր մարդկության երազած գալիք կոմունիստական աշխարհը։

Գիտական նստաշրջանն ամփոփելով, Նրևանի պետական համալսարանի ռեկտոր Հրանտ Բատիկյանն ասաց, որ հայ ժողովրդի բազում վերքերը բուժվեցին շնորհիվ Մեծ հոկտեմբերի, կոմունիստական պարտիայի քաղաքականության, որը և վերածնեց մեր ժողովրդի ստեղծագործ ոգին, կիրտեց նրա հոյակապ գալիքը։

Վ. Գ.